



Sermon
Kxf. Dr. Numlajtsheb Yaaj

“Ua Tus Muaj Mob Zoo Duas”

Second Sunday after Pentecost
Our Savior Luther Church
6-11-2023

Thov txoj koobhmoov txojkev hlub thiab txojkev haumxeb pub rau nej sawvdaws los ntawm Vajtswv uas yog peb Leejtxiv uas yog peb tus Cawmsej Tswv Yexus Khetos. Asmees.


Matthew 9:12-13, On hearing this, Jesus said, “It is not the healthy who need a doctor, but the sick. But go and learn what this means: ‘I desire mercy, not sacrifice.’ For I have not come to call the righteous, but sinners - *Cov neeg tsis muaj mob yeej tsis mus cuag kwstshuaj, tsuas yog cov neeg muaj mob thiaj li mus cuag kwstshuaj xwb. Nej cia li mus nyeem Vajtswv Txojlus uas haistias, ‘Qhov uas kuv xav tau yog, kom nej muaj lub siab hlub, tsis yog tus tsiaj uas muab tua theej txhoj,’ rau qhov kuv tsis yog los hu cov neeg ncajnrees, tiamsis yog kuv los hu cov neeg txhaum.*” (NIV) ‘Nov yog tus Tswv Txojlus.’ (Cross-reference – Yelemis 8:22, Malakaus 2:17; 12:33, Lukas 5:31-32, Khaulauxais 4:14, Hauxeyas 6:6, Mathais 12:7, 1 Timautes 1:15)

Illustration “Sick” (Show Emergency, lab drawn, Tylenol and Motrin)




Thaum kuv tseem ua “restaurant- *khw muag zaub mov*,” kuv yeej ibtxwm tsis muaj mob li tau 10 xyoo. Muaj ib hnub kuv saptav cia li dhia tshee thiab zoo li cov nqaij pheej cuag! Kuv ibcev tsaug tag thiab zoo li tsis muaj zog. Kuv hais rau niam xibhwb tias kuv tsis “feel good – *xis neej*” lawm ntshe kuv yuavtsum tau mus tom “hospital emergency room – *tsev khomob teebmeem ceev.*” Thaum kuv mus txog tov, lawv nqus kuv cov nshav mus kuaj tag lawv kuj haistias kuv tsis muaj teebmeem dabtsi. Yog kuv mob ntxiv ces kuv tsuas noj tshuaj xws li Tylenol losyog Motrin xwb. Kuv yeej tsis paub tias nws yog tim li cas tiamsis zaum no kuj ua rau kuv txhawj, nyuajsiab thiab nyob tsis qab li.

(Show illnesses and body pains)




Nej txhua tus yeej raug tej yam mob xws li mob plab, mob taubhau, losntswg, thiab lwm yam. Tej yam mob no kuj tsis yog mob ntev, nws tsuas yog ib ob hnub xwb nws kuj zoo lawm. Tiamsis nej ibtxhia kuj raug tej yam mob hnyav xws li, nshav qabzib, nshav siab losyog mob cancer. Thaum koj muaj tej yam mob hnyav, koj mas tsuas yog mus ntsib kws khomob tsis tseg. Koj pheej rov mus tom tej tsev khomob loj mus kho tej mob ntawd tas mus li. Thaum twg tus tibneeg twg muaj mob loj li no lawm, koj yeej pom tias lawv lub neej txawv duas li cov tsis muaj mob. Yog li ntawd, peb ua neej nyob, peb yeej tsis xav muaj mob li. Tiamsis ntawm sab nqaij tawv peb yuav ntsib kev mob tsis hais leejtwg.

I. Peb Txojmoozoo ntawm Mathais, Yexus qhia txog tus uas muaj mob. (Show Matthew 9:12)



Nws thiaj li haistias, “It is not the healthy who need a doctor, but the sick. But go and learn what this means: ‘I desire mercy, not sacrifice.’ For I have not come to call the righteous, but sinners - *Cov neeg tsis muaj mob yeej tsis mus cuag kwstshuaj, tsuas yog cov neeg muaj mob thiaj li mus cuag kwstshuaj xwb. Nej cia li mus nyeem Vajtswv Txojlus uas haistias, Qhov uas kuv xav tau yog, kom nej muaj lub siab hlub, tsis yog tus tsiaj uas muab tua theej txhoj,*’ rau qhov kuv tsis yog los hu cov neeg ncajnrees, tiamsis yog kuv los hu cov neeg txhau.” (Mathais 9:12-13). Yexus los rau lub ntiajteb yog los pab kho tus uas muaj mob. Nws los kho tus uas muaj mob rau ntawm sab ntsujplig. Thaum nej hnov li no, nej yuav

tsis totaub hais txog txojkev muaj mob no yog zoo li cas tiag. Tiamsis qhovtseeb tiag, tej zaum ua tus muaj mob zoo duas. (Show Matthew 9:13, Luke 5:31)



Ua tus muaj mob zoo duas! Leejtwg thiaj li yuav xav ua tus muaj mob? Nej yuavtsum ua tibzoo xav, Yexus tsis yog hais txog tej mob ntawm sab nqaijtawv uas tibneeg muaj nyob rau lub ntiajteb no xwb. Yexus tsis yog hais txog tej mob ntawm sab nqaijtawv tiamsis Yexus hais txog tej mob ntawm sab ntsujplig. Yexus hais txog txojkev mob no yog “Kev txhaum.” Yexus thiaj li haistias, “For I have not come to call the righteous, but sinners – *Rau qhov kuv tsis yog los hu cov neeg ncajnnees, tiamsis yog kuv los hu cov neeg txhaum.*” (Mathais 9:13, Lukas 5:31).

Thaum Yexus hais cov lus no yog lub sijhawm uas Yexus tabtom noj mov tom Mathais tsev. Mathais yog tus neeg uas muaj mob. Yog vim li cas Mathais thiaj li yog tus tibneeg uas muaj mob? (Show Tax Collector)



Mathais yog tus neeg sau se. Haijneeg Yudais ntxub cov neeg sau se. Nyob rau Yexus tiam, cov neeg sau se yog ua haujlwm rau cov nomtswv Loos. Haijneeg Yudais ntxub haijneeg Loos. Vim haijneeg Loos yog haijneeg ntseeg thiab hawm tej mlom, lawv yog haijneeg tswj haijneeg Yixalayees lub tebchaws thiab ua ntau yam tsis ncajnnees rau haijneeg Yudais. Haijneeg Yudais raug tswj los ntawm haijneeg Loos xwb twb txaus heev lawm. Tsis yog li no xwb, lawv tseem raug them se rau Caesar thiab. Leejtwg yuav los ua txoj haujlwm uas yog ua tus

sau se rau Loos? Lawv ntiav haijneeg Yudais ibtug tub xws li ‘Matthew and Zacchaeus thiab lwmtus.’ Tus neeg sau se yog tus yeebncuab ntawm haijneeg Yudais vim nws ua haujlwm rau lwm haijneeg uas tswjhwv lawv haijneeg Yudais. Cov yeebncuab no yog haijneeg Loos. (Show Tax collector)



Cov neeg sau se yog cov ua tubsab uas nyiaj thiab dagntxias lwm tus. Cov neeg sau se mus teeb lawv tej rooj sau se rau nram tej khw, tom tej kev uas tibneeg mus thiab yuam kom tibneeg yuavtsum them tus nqi siab li nomtswv Loos pub lawv sau. Ib cov nyiaj uas lawv sau tau ntawd muab xa mus rau nomtswv Loos. Ib cov nyiaj ces yog lawv muab khaw cia rau lawv. Yog li ntawd yeej tsis muaj leejtwg nyiam cov neeg sau se li. Vim cov neeg sau se tsis ncajnnees. Lawv rov yuam lawv haijneeg Yudais. Haijneeg Yudais muab cov neeg sau se no “label as an outcast – *tis npe tias tus raug txiav tawm.*” Tsis muaj lwmtus mus nrog lawv ua phoojywg losyog ua lawv kwv lawv tij. Cov neeg sau se tsuas ua phoojywg nrog lwmtus sau se xwb.

- II. Tiamsis peb Txojmoozoo hnuabno qhia peb tias Yexus uas yog Vajtswv tus Tub uas yog peb tus Cawmseej nrog tus neeg sau se “Mathais” noj mov uake tom nws lub tsev. Nyob rau tiam no, yog koj nrog leejtwg nojmov uake nws txhais tias neb muaj kev “fellowship – *sib fim.*” Yog koj nrog leejtwg nojmov uake nws txhais tau tias koj yog nws tus “friend - *phoojywg.*” Cov Falixais thiab haijneeg Yudais xav tias lawv yog cov neeg nyob siab duas li cov neeg sau se. Yog li ntawd lawv yeej tsis kam thiab yeej tsis muaj ibzaug uas yuav nrog cov neeg sau se noj mov uake li. (Show Matthew 9:11-13 – Jesus eating with sinner)




Yog li ntawd cov Falixais thiaj li xav tsis thoob tias ua li cas Yexus twb yog ibtus xibhwb es nws tseem nrog tus neeg txhaum, tus neeg sau se nojmov uake? Lawv xav tias, Yexus puas yog ibtus xibhwb tiag? Yexus puas yog tus neeg dawbhuv uas qhuab qhia ntawm Vajtswv lub tuamtsev? Yexus puas yog tus ua tau tej txujci tseemcee?” Yog vim li cas Yexus thiaj li koom nrog tej tus neeg uas lwmtus saib zoo li “trash – *khoom povtseg.*” Lawv ntshai nug Yexus, lawv thiaj li nug Yexus cov thwjtim tias, “Why does your teacher eat with tax collectors and sinners – *Ua li cas nej tus xibhwb nrog cov neeg sau se thiab cov neeg txhaum noj mov uake?* (Mathais 9:11).

Yexus hnov lawv sib tham li ntawd, nws teb haistias “For I have not come to call the righteous, but sinners – *Rau qhov kuv tsis yog los hu cov neeg ncajncees, tiamsis yog kuv los hu cov neeg txhaum.*” (Mathais 9:13, Lukas 5:31). Yog vim li cas Yexus thiaj li teb li ntawd? **(Show Matthew the Tax Collector)**




Mathais yog tus neeg muaj mob rau txojkev txhaum. Mathais muaj mob rau txojkev txhaum vim nws ris lub nras hanyav heev rau txojkev uas nws tau yuam “stolen - *nyiaj*” tibneeg tej nyiaj thaum tibneeg them rau nws. Cov tibneeg sau se tiam no yog cov muaj nyiaj nplua nuj vim lawv khuj thiab nyiaj cov nyiaj ntawm cov pejxeem. Lawv muab tsis tag rau cov nomtswv Loos. Yog peb ua tibzoo xav, tej zaum Mathais yuav ntsub nws tus kheej heev li – vim tias tas tebchaws ntsub nws! Mathais muaj mob – Nws qhov mob yog Mathais ntsub rau txojkev lub neej uas nws ua, ntsub rau txojkev uas tibneeg muab nws cais, thiab ntsub rau txojkev ua txhaum uas nws tau dag thiab nyiaj lwmtus los ua nws tug. **(Show sin can make you sick)**

Sin can make you sick!



Koj puas tau xav li no hauv koj lub neej? Ntawm txojkev txhaum puas ua rau koj “Feel sick from the inside – *Hnov mob sab hauv?*” Nej ua tibzoo xav saib yog thaum twg koj ua txhaum koj puas ntshai? Yog koj paub haistias koj mus tham hluasnkauj tham hluasnraug tiamsis koj twb muaj pojniam muaj txiv thiab muaj tub muaj ntshais. Koj puas “Feel sick from the inside – *Hnov mob sab hauv*” tias koj ua txhaum vim koj deev lwmtus? Txojkev txhaum yog txojkev ua rau tibneeg muaj mob. Txojkev mob pheej ua rau tus neeg ntawd rov mus ua txojkev txhaum kev dagntxias ib zaug dhau ib zaug. Yog haistias koj paub tias koj muaj li no hauv koj lub neej, koj puas ntsub thiab ntshai ris txojkev txhaum no nyob rau hauv koj lub neej? Koj puas xav kho kom zoo? **(Show the Tax Collector and Jesus)**



Txawm koj muaj li no los koj puas xav tias koj yuav rov ua kom koj tsis txhob muaj mob. Koj saib Mathais yog tus neeg uas muaj mob. Nws paub tias nws tsis ncajncees rau Vajtswv. Nws paub tias nws lub neej yuav tsis zoo yog nws pheej nyiaj thiab khuj lwmtus rau yav tomntej. Nws yuavtsum muaj ib tug los muab nws lub neej rov kho kom zoo. Tus ntawd yog Yexus. Yexus los pub txojkev khomob kom zoo rau Mathais yog kho rau ntawm sab ntsujplig. **(Show a broken heart)**




Nws muab Mathais lub siab uas tawg tas los mus puab uake kom nws rov los siblos uake uas yog txhawb nws los ntawm Vajtswv lub siabhlub uas yog txojkev hlub. Yexus kho tau Mathais lawm. Nws kho Mathais los ntawm cov tshuaj uas zoo tshaj lwm yam tshuaj. Yam tshuaj ntawd yog txojkev “forgiveness – *zamtxim.*” Yexus thiaj li hu Mathais los ua Yexus ibtug thwjtim.

III. Tej zaum ua tus muaj mob zoo duas. Cov Falixais xav tias lawv “perfectly healthy – *tsis muaj mob li.*” Lawv tsis xav hnov txog txojkev leestxim rau kev txhaum thiab txais kev zamtxim. Lawv tsuas xav tias lawv yog cov tibneeg zoo thiab tus tibneeg tsis muaj mob. **(Show cancer)**



Muaj ib tus txivneej, lawv kuaj tau tias nws muaj cancer. Khws Khomob zoo siab tias lawv soj tau sai uantej nws pib loj tuaj. Tus kws khomob hais rau tus txivneej kom nws yuavtsum cia li mus phais thiab tua faiv es thiaj li tua tau qhov cancer ntawd. Tiamsis tus txivneej no tsis kam mus ua li tus kws khomob ntawd hais. Nws haistias “Kuv tsis muaj mob dabtsi! Kuv tsis muaj cancer!” Tsis ntev qhov cancer ntawd loj zus loj zus tuaj thiab tua tus txivneej ntawd tuag. **(Show body and spiritual death)**



Cov Falixais txojkev xav zoo ib yam li tus txivneej no. Peb tibneeg los xav zoo ib yam li tus txivneej no thiab. Peb haistias “Peb tsis muaj ibyam kev mob li! Peb yeej zoo zoo peb lawm! Peb tsis tas yuav lees peb tej kev txhaum! Vim Yexus tsis paub xyov nws hais nws dabtsi! Yog peb ua li no, peb txojkev txhaum ntawd yuav loj zuzus loj zuzlus mus txog

thaum uas peb tuag rau ntawm sab nqaijtawv thiab ntawm sab ntsujplig. (Show a healing heart)



Ntau zaug peb thov Vajtswv peb thov tias Yexus yog “The Great Physician – *Tus Kws Khomob Loj.*” Nws thiaj li haistias, “For I have not come to call the righteous, but sinners – *Rau qhov kuv tsis yog los hu cov neeg ncaincees, tiamsis yog kuv los hu cov neeg txhaum.*” (Mathais 9:13, Lukas 5:31). Yexus los rau lub ntiajteb no yog los muab peb lub siab uas tawg lawm rov los ua kom zoo, kho kom peb zoo ntawm txojkev txhaum. Nws los kho kom peb rov pomkev ntawm txojkev txhaum kom peb thiaj li pom peb tus Cawmseej lub siabhlub, txojkev hlub, thiab txojkev zamtxim. Nyob rau Vajluskub Qub Yaxayas hais txog Yexus yog tus los coj peb cov kev mob mus rau ntawm nws. (Show Isaiah 53:5)




Yaxayas sau haistias “But he was pierced for our transgressions, he was crushed for our iniquities; the punishment that brought us peace was on him, and by his wounds we are healed – *Twb yog vim peb tej kev txhaum nws thiaj raug ntaus naij ntuag ntshav nrog, twb yog vim tej kev phem uas peb ua, nws thiaj raug nplaum. Qhov uas nws raug txim txomnyem ntsuav, yog pab kom peb tau nyob kajsiab lug, nws raug nplawm twb yog kho kom peb tej kev mob kev nkeeg zoo.*” (Yaxayas 53:5). (Show Hosea 6:1)



Hauxeyas sau haistias “Come, let us return to the LORD. He has torn us to pieces but he will heal us; he has injured us but he will bind up our wounds. After two days he will revive us; on the third day he will restore us, that we may live in his presence. Let us acknowledge the LORD; let us press on to acknowledge him. As surely as the sun rises, he will appear; he will come to us like the winter rains, like the spring rains that water the earth – *Peb cia li rov mus cuag tus Tswv! Nws tau ua rau peb raug mob, tiamsis nws yuav kho peb tej mob kom zoo, nws tau ua rau peb tej nqaij to, tiamsis nws yuav qhwv peb tej qhov txhab puas yog? Ob peb hnuv saum no nws yuav muab peb hloov dua tshiab, thiab peb yuav tau mus nrog nws nyob. Cia peb xyaum tiag kom paub tus Tswv. Nws yuav los*

cuag peb ib yam li qhov kajntug uas niaj tagkis muaj thiab ib yam li kob nag tshiab uas niaj xyoo los rau hauv lub ntiajteb.” (Hauxeyas 6:1-3). (Show Matthew 9:12-13)



Tej lub sijhawm cia peb ua tus mob zoo duas, vim tus muaj mob paub tias nws yuavtsum tau mus ntsib tus kws khomob. Qhov yuav zoo rau peb ces yog cia peb cia li lees peb txojkev mob uas yog txojkev txhaum, Yexus yog peb tus Kws Khomob Hlob thiaj li kho tau peb thiab coj peb rov los rau ntawm nws txojkev hlub thiab kev zamtxim. Asmees.

Thov kom Vajtswv txojlus pub rau peb sawvdaws totaub thiab tau nyob kajsiab lug rau ntawm Tswv Yexus Khetos. Peb txhuatus uas yog Vajtswv cov menyuum peb sawvdaws hais: Asmees